

Koronaboahkuheapmi áhpehemiide

Oanehis diehtjuohkin Álbmotdearvvašvuodainstituhtas boahkuheami birra koronadávdda covid-19 vuostá.

Covid-19 birra

Lea eanet jáhkehahtti buohcat duođalaččat covid-19 geažil áhpeheapmin. Várra buohcat duođalaččat stuorru mađi guhkit nisson lea leamaš áhpeheapme go njoammu. Dearvvašvuodainstituhtta ávžžuha danne áhpehemiid váldit guokte koronaboahku suodjalan dihte iežaset.

Rávvgat:

- Vuodđoboahkuheapmi buot áhpehemiide geain ii leat vel vuodđoboahkuheapmi. Dát gusto beroškeahhtá áhpehisvuodadásis.
- Ávžžuhuvvo maid ahte áhpehis nissonat váldet ođasmahttindosa. Lea erenoamáš dehálaš áhpehemiide geat leat 2. ja 3. áhpehisdásis ja lea gollan eanetgo 20 vahkku 2. dosa rájes, ja vuosttaš áhpehisdásis jus áhpehis nissonis leat eará dávddat.

Duogáš

Norgga rávvgat áhpehemiid koronaboahkuheami hárrái bohte maŋŋil go ledje bohtán eanet dieđut boahku váikkuha eadnái ja mánnái. Eanas dieđut boahku váikkuhusaid birra leat bohtán olgoriikkas. Stuorra Británnias lea ovdamearkka dihte guhká leamaš alit njoammundeaddu, ja eanet áhpeheamit leat leamaš čáliuvvon buohccivissui.

Riikkaidgaskasaš dutkamat čájehit ahte áhpeheamit geaidda njoammu covid-19 lea alit várra šaddat buohccivissui ja dárbu vuoigŋanveahkkái go ovttaahkásaš nissoniidda geat eai leat áhpeheapmin, buot variánttat virusis leat dagahan stuorát dárbbu vuoigŋanveahkkái. Lea maiddái čájehuvvon alit riska árat riegádahttit go sis geain ii leat čájehuvvon covid-19 seamma áiggis áhpehisvuodas. Lea hárve ahte ollásit boahkuhuvvon áhpehemiin lea riska vuoigŋanválttisvuodaide ja árra riegádahttimii.

Dutkosat čájehit boahku beavttu suodjalit eatni buohcamis duođalaččat ja duođaštit man dehálaš lea suodjalit iežas boahkuin jus lea vejolaš. Vuosteávdnasat mat šaddet eadnái maŋŋil boahkuheami fievrreduvvojit maiddái ohká, nu ahte mánás lea várjalus maŋŋil go riegáda. Eai leat makkárge dutkosat mat čájehit ahte boahku váikkuha negatiivvalaččat áhpehisvuhtii dahje ohká.

Liigeváikkuhusat

Dábáleamos váikkuhusat nugo oaivebávččas, návccahisvuohta, illáveajevuohta, feber, váibmogákkahat ja bákčasat gorudis leat maiddái dábálaččat áhpehemiin. Dávdamearkkat bohtet dávjá vuosttaš dahje nuppi beavvi maŋŋil boahkuheami ja bistá 2-3 jándora. Eai leat čájehuvvon vassis áhpehisvuhtii gulli liigeváikkuhusat boahkuin mat leat dohkkehuvvon Norggas.

Gos sáhtán váldit koronaboahku?

Jeara čalbmeeatnis, doaktáris dahje geahča iežat gieldda neahttasiidduin gos sáhtát oažžut koronaboahku.

Eanet dieđut

Tittel: Koronavaksine til gravide
Språk: Nordsamisk
Opprettet: 01.12.21

Oppdatert: 16.02.22

Loga eambbo rávvagiid birra áhpehemiide ja njamaheddjiide Koronabagadusas:
<https://www.fhi.no/nettpub/coronavirus/befolkningen/rad-for-gravide-og-ammende/>